

Segun Sr. Tico Croes: **Expresion di Sr. Bislip a sorprende**

ORANJESTAD (AAN) - Miembro di Parlamento Sr. Tico Croes a bisa cu durante su inicio di su carera politico den Partido di Pueblo Arubano (AVP), semper el a scucha den seno di AVP comentarionan positivo encuan to di sr. Pedro Bislip. Sin embargo, a strañe sobrem anera e hecho cu sr. Bislip a vota dos biaha contra un mocion, presenta pa AVP, pa ratifica e derecho di autodeterminacion di e pueblo di Aruba; algo cu segun e memoria colectivo di e pueblo di Aruba ta un derecho sagrado.

E splicacion cu sr. Pedro Bislip a duna durante e debate den Staten tabata cu tur hende sa caba cu e pueblo di Aruba tin e derecho di autodeterminacion y por lo tanto e mocion en cuestion tabata superfluo. Segun sr. Croes nunca e no por a comprende mucho bon e esencia di un ponencia asina, pa motibo cu ratifica un derecho nunca por ta superfluo; al contrario mester ratifica un derecho constantemente pa asina e por keda na bida y ta significativo pa e desaroyo en general di un pueblo.

Grandi, segun sr. Croes, tabata su sorpresa ora cu Diamarsanochi el a wak noticia na Tele Aruba y a scucha sr. Bislip comenta, despues di e encuentro

entre ADN y Ministro Hirsch Ballin, cu e por a conclui di un contesta di Ministro Hirsch Ballin ariba un pregunta di ADN cu ainda e pueblo di Aruba tin e derecho di autodeterminacion.

E declaracion aki di su colega, segun miembro di parlamento sr. Croes a sorprende pasobra e ta indica cu afterall Sr. Bislip no tabata di e sigur ey tocante di e hecho cu e pueblo di Aruba ainda por dicidi pa su mes encuan to di su propio destino y te ainda te hasta ta kere cu ta un ministro Hulandes mester dicidi si e pueblo tin e derecho di autodeterminacion.

Sr. Croes a bisa cu e ta spera cu partido ADN lo bay profundisa su mes encuan to di e materia aki pa asina nan no worde uza door di MEP pa proclama un independencia cu nan no conoce su consecuencianan. Suriname ta un ehempel di e consecuen cianan ora cu independencia worde forza ariba un pueblo y historia a condena esaki den un forma tristo y horroroso si huzga e cantidad di victimanan cu a cay y e sanger, sudor y lagrima cu a costa pa cuminza reconstrui e pais.

Na final Sr. Tico Croes a bisa cu sinceramente e ta spera cu historia lo no mester conclui cu ADN y sr. Pedro Bislip lo bira nos Hindori.